

ازمیر کتابخانه سی

حق

شیرینی

(علیه الصلوة والسلام)

قطعه

« واحسن منك لم ترقط عين
واجبل منك لم تلد النساء
خلقت مبرأ من كل عيب
كانك قد خلقت كانشاء »
حسان بن ثابت

صاحی : ازمیرده کتابخانی
احمد صبری

معارف عمومیہ نظارت خلیفہ سنک رحصلیہ

قسطنطنیہ

۱۳۰۵

مطبعہ ابوالضیاء

عدد : ۲

حقى

سُبْحِي

(عليه الصلوة والسلام)

قطعه

« واحسن منك لم ترقط عين
واجمل منك لم تلد النساء
خلقت مبرءاً من كل عيب
كانك قد خلقت كما تشاء »
حسان بن ثابت

صاحبى : از ميرده كتابى
احمد صبرى

برنجى طبعى

معارف عموميه نظارت جليله سنك رخصتيله

قسنطنطينيه

۱۳۰۵

مطبعة ابوالضيا





م (سیر نی) محری حق افندی به

آفرین ای سیر نویس جیب
اهل ایمانی ایلاک تطیب
نه قدر سویلنسه شایاندر
قصه شوقبخش جاناندر
کرچه دنیا هنوز بتسکدهدر
انتسابم فقط (محمد) در
بویله دیوان حشره دک کیسدرم
بر (محمد !) دیرم سکوت ایدرم
بی ایسترسه آتسه آتسون
آغلادرسه (محمد) آغلالتسون

معلم ناجی







مقدمه

قطعه

» باز این دل من شاد شد از نام محمد
جان عیش و طرب کرد پیغام محمد
در بام فلک دوش ملک فاش همی گفت
عالم نه بدی کر نه بدی نام محمد «



مرايم تاريخ يازمق دكل . اشرف مخلوقات افندمن
حضرتلرينك احوال عليه لرينه وزمان دولتلر بنده سرزده
ظهور اولان وقايعه دائر بوندن صوكره بر كتابه دها حاجت
مس ايتمه جك صورتده پك چوق كتابلر، پك چوق
رساله لر تاليف وترتيب ايدلشدر .

بونلرك ايچندن اك بر كزیده، واك شايان اعتنا اولانی ايسه
(علامه بارع، معدن الادب والبدایع دولتلو جودت پاشا)
حضرتلرينك زيب آور نظر اتهاج اولان (قصص) لریدر .

کتابخانه عثمانی اولیه بر کتاب حقیقه تنصابه مالک
اولدقدن صوکره آرتق او خصوصده کی آثاره احتیاجدن
هر زمان وارسته بولونایلیر .

او اختر عالینک لمعات حقیقت آیاتی انبیا و خلفایه عائد
اولان مواقع تاریخیه نك هر نقطه سنی حقیقه تنویر ایله مشدر .
(صدور عظامدن فهامه زمان علامه دوران سماحتلو
حیدر بك افندی) حضرتلرینك تألیف بیوردقلری
(فرائد) ده احوال انبیا و خلفای کالیله احتوا اتمش
ومالك اولدیغی صحت و دقائق بیوک کتابله غبطه بخش
اولور بر طرزده بولمیشدر . میدانده بوکی عالی اثرلر
موجود ایکن بو بابده یازی یازمق معلومی اعلام دیمك
اولاجغی بیایرم .

فقط منتسب اولدیغز عالی بر دینك صاحبی، کره مزك
هر جهتده حقایقی ثابت اولان بر شریعتك مؤسسی
(حبیب اقدس الهی) نك نام جلیله عرض انتساب
ایده جك بنمده بر قاچ سوزم بولونسون املی بنی بو حرکتیه
سوق ابتد . او آرزومك ثمره ماحصلی اولارق شو
رساله حکم وجود بولدی .

مندرجاتك منتسب دین (محمد) ی نزدنده معلوم

اولان شیلردن عبارت بولونمسی بعض فکرلری رساله‌نک
لر و مسز لغنه ذاهب ایده جکدر .

لکن شو :

« بازکو از نجد واز یاران نجد
تادر و دیوار را آری بوجید
بازکو از زمزم و خیف و منا
وارهان دل از غم و جان از غنا »

بیتلرک تعیین ایله دیکی حقیقته واقف اولانلر بوزهابه
اهمیت ویرمهیه جکدرندن بنده او قدر اعتبار ایتهمدم .

« مان مدحت (محمداً) بمقاتی
لکن مدحت مقاتلی (بمحمد) »

دیمش اولان شاعر (فخر الانیا) حضرتلرینک سوزله
توصیفی قابل اولامه یوب ذات اقدس لرینه دائر ایدیلن سوزک
اوشرفله کسب امتیاز ایده جکنی حقیله آکلاتمش و اوصاف
پیغمبرینک حقیقتی تعریفده لسان مقالک عاجز و لال
اولدیغنی بو :

« صفت بادۀ عشقش زمن مست مپرس
ذوق این می نشناسی بخدا تانچشی »

بیتیه عارف بالله (جامی) حضرتلری ده تصدیق ایتشد.

بونقطه دن باقیلیرسه احوال واثیه جلیله یشیمبری یه
دائر بوزمانه قدر یازلمش اولان کتابلر، دیوانلرده کی
قصیده لر هپ ناقص، هپ ناتمام بولونور. رساله م ایسه
اوقدر علوی احتوا مقصدیله یانلادیغی ایچون ناتمام سوزینه
معرض اولاماز.

بن یالکز :

« جاءت سليمان يوم العرض نملته »

بنصف رجل جرادكان في فيها

ترنمت الفصح القول فاعتذرت

ان الهدايا على مقدار مهيها »

زمن مه سيله شو اثر ناجيزك، هچ برملنجی بی رد بیورمامش
اولان (شاه کونین) حضرتلرینک عطیقه قبولنه مظهریتی
خاکبای عرش اعتلای رسالتیناهیدن استرحام ایله یورم .

قطعه

ای روح عظیم نور اعلا !
 سن باعی سین بوکائاتک .
 لطفک ایله مستدام اشیا ،
 بادی حیاتیسین حیاتک .
 فیضکله اولور وجود پیدا ،
 سن مبدئیسین مکوناتک .
 برعلته مستندسه خلقت ،
 معلول سنیکه ده او علت .
 فی ۱ مایس سنه ۲۰۳

مغنیسا مستنطق

حق

شیرینجی

(علیه الصلوٰۃ والسلام)

« نماند بعضیان کسی در کرو
که دارد چنین سیدی پیشرو »
[سعدی]

بسم الله الرحمن الرحيم

م ۱

ولادت

خواجہ کائنات علیہ اکمل التحیات افندمن حضرت تریںک
شب فیروز ولادت باہر السعد تری ربيع الاولک اون
ایکنجی کیجہ سی اولق اوزره شہرت بولمش ایسہدہ ماہتاب
عالمتاب محمدی بوآیک سکزنجی بازار ایرتسی کیجہ سی -
قصہ مشہورہ فیلدن الی کون صوکرہ - برہار موسمنبدہ
شعلہ باش آفاق وجود اولمشدر .

پدر عالیکهرلری اشراف عربدن عبدالمطلبك زاده
 نجیبی حضرت عبداللهدر . مادر عصمت پرورلری دخی
 امینه زمان اطهر نساء دوران حضرت آمنه در .
 حضرت عبدالله جناب آمنه ایله عقد ازدواجیدن
 صوکره مدینه به کلدی اوراده ارتحال دار بقا ایله دی .
 حضرت آمنه دها حملنی وضع ایله مه مش ایدی .
 حضرت سید المرسلینك ولادت پرمسعدت سنیه لری
 کیجه سی (طاق کسری) نك اون درت کتکره سنی زیر
 وزبر وفارس مجوسیلرینك برچوق سنه لر جهانه علوانداز
 خذلان اولان آتشرلی منطقی و خاکستر اولمشدر .
 ینه اوکیجه (ساوه) شهرنده کی بیوک برکول نابدید
 اولدی .

مهید آرای وجود اولدقلری زمان اوچکون والده سی
 سودینی امدی دده سی عبدالمطلب، بعض اسبابه مبنی دردنجی
 کون شرف رؤیت جمال محمدی ایله مشرف اولاییلدی .
 اوچکوندن صوکره (ثویبه) اسمنده برجاریه یدی
 کون امزردی بوندن صوکره حضرتك خدمت ارضاعیه -
 سیله جناب حلیمه شرفیاب اولدی . وآلوب قبیله سی اولان
 (بنی سعد) ه کتوردی .

(ثویبه) ابولہبک خبر ولادت محمدی بی ایشہؓ دیکھی
زمانہ بر معاملہ شکر گزاریدہ بولمق امنیہ سیلہ آزاد ایلہ دیکھی
جاریہ درکہ اودہ بوندن حاصل اولان مسرویتسندن ناشی
اوقدر جق اولسون ارضاعہ شتابان اولمش ایدی .

(بنی سعد) دہ اوچ درت یاشلرنده ایکن (شکاف
سینہ محمدی) وقوع بولمقلہ جناب (حلیمہ) بوندن متوہمہ
اولارق حضرتی (مکہ) یہ کتیردی وعبدالمطلبہ تسلیم
ایلہ دی .

آلتی یاشنہ قدر عبدالمطلبک نزدندہ بولوندقدن صوکرہ
والدہ ماجدہ لریلہ بعض متعلقاتی زیارت ایچون (مدینہ) بی
تشریف بیوروب عودت علیہ لرنده اثنای راہدہ (ابوا)
نام محللہ حضرت (آمنہ) ترک محنتسرای فانی ایلمکله
اورایہ دفن اولوندی . وحضرت (مکہ) بی تشریف ایدوب
ادارہ امور ، واحوالی عبدالمطلب طرفندن تکفل اولوندی .
سکزیاشنده ایکن (عبدالمطلب) دخی وفات ایلہ .
دیکندن خدمت مقدسہ محمدی بی عمو جہ لری (ابوطالب)
درعہدہ ایتمشیدی .

بکرمی بش یاشلرنده ایکن حضرت (خدیجہ) ایلہ
تزوج بیوردی .

(عبدالله) (قاسم) (ابراهیم) (طیب) (زینب)
 (رقیه) (ام کاشوم) (فاطمة الزهراء) حضراتی حضرت
 (خدیجه) دن تولد ایله دیلر .

اوتوز بش یاشنده ایکن (کعبه) (قریش) طرفندن
 تعمیر اولوندینی صرهدده (حجر الاسود) ی محمل مخصوصنه
 وضع بیوردیلر .

اوتوز سکر یاشنده اسرار صمدانی ذات سنیه لرینه
 عرض انکشاف ایتمه کله باشلادی .

۲

نبوت

قرق یاشنده علامات نبوت ظاهر اولدی . آلتی آی قدر
 رؤیا لریده وقوعبولان سائنحات ایله عمل ایله دیلر . یدنجی
 آیده (جبل حرا) ده حضرت جبریل شرفنازل اولارق
 (سورة اقرأ) قرائتیه آبدست آلق نماز قیلق اصولی تعلیم
 ایله دی .

ابتدا حضرت جبریلک ورودندن جناب پیغمبره اجرای
 تأثیر ایدن حالات معنویه دن دولای مزاج عالیلری انحراف

ایتدیکندن خانۀ سعادتلرینه کلوب یاندیلر . بوسرهده
« یاایهاالمدرّ » آیت جلیلهسی ده نازل اولدی .

وقوعبولان شوخالی زمان دولترلینک اک عارف وعاقلی
بولونان (ورقة بن نوفل) ه عرض ایله دکارنده بوتأثیراتک
طرف الهمیدن انبعات ایله دیککی خبر ویره رک رحمانیتی
تصدیق ایله دی .

بوندن صوکره اک اول حضرت (خدیجه) عرض
ایمان واقیاد بیوردی صوکره حضرت (ابو بکر الصدیق)
صوکره حضرت (علی) ، (بلال) ، (زید بن حارث) ،
حضرت (عثمان) ، (طلحه) ، (زبیر) ، (سعد بن
ابی وقاص) ، (عبدالرحمن بن عوف) ایمان واطاعت
ایله دیلر . بونک اوزرینه حضرت پیغمبر تام اوچ سنه خفی
برصورتده خلق طریق مستقیم حقه دعوتله اشتغال
بیوردیلر .

نبوتک دردنجی سنه سی « فاصدع بما تؤمر » آیت
کریمه سی نازل اولوب امر دعوتی آشکار اجرا بیورمغه
دامن درمیان تبلیغ اولدیلر .

عرب ، قارشولرنده عبادت ایتدکلی بئارک بویله

← →
 آچیقدن آچیغه تعیب و تحقیر اولوندقلرینی کورنجه مخالفه
 وایمان ایدنلره اذیتله باشلادیلر .

باشنجی سنهده هم بوظلم و تعدیدن رهایاب وهم اورالرجه
 دخی انتشار انوار اسلامیه رهایاب اولوق فکر مقدسیله
 (حبشه) طرفلرینه اونبر اركك ايله درت قادين هجرت
 ایتدیرلدی .

برمدت صوكره عرب اللرندن كلن اذا وجفادن
 فراغت ایتدیلر ايسهده اسلامك آیین بهین اسلامیت اوزره
 عبادت ایتملرینه موافقت کوسترمکه باشلادقلرندن هجرت
 ایدنلر عودت ایتدیلر . بوضرهده سورة جلیله (والنجم)
 دخی طرف اقدس الوهیتدن ارسال بیورولدی .

ینه نشر جلیله اسلامیت فکر عالیسیله شاه (نجاشی)
 حمایه سنده بولمق اوزره سکساندن زیاده اركك ايله اونبر
 قادين یمنه کوندیرلدی . (قریش) بونك اوکوننی آلمق
 ایچون آرقه لرندن (عمرو بن عاص) ی کوندیرمشلر ايسهده
 (نجاشی) مهاجرینی مظهر تعظیم فوق العاده ایدوب
 حقارنده قریشك ایتدکبری مفسدت آمیز سوزلره حواله
 سمع اعتبار ايله مدی .

آفتاب جلیل (محمدی) نك شعشعه بخشای اوجگاه

نبوت بولون دینغنك آلتنجی سنه سی ایدیكه : جناب
(عبدالمطلب) زاده حماسه بنیادی حضرت (حمزه) ايله
جناب بسا آتآب حضرت (عمر بن الخطاب) ایکی کوكب
دری کی آسمان اسلامیه شرف افزا اولدیله . شوکت دین
احمدی بونلر ايله برقات دها شکوه وعزت پیدا ایلهدی .
یدنجی سنه (اوس) ايله (خزرج) قبیله لری یئیننده ،
(حرب بعاث) وقوعبولدی .

سکرنجی سنه ده ایرانیلرله رومیلر آراسینده وقوعبولان
برمحاربده ایرانیلرک غلبه ایندکاری خبری شیوعبولجیه
عربلر کی اوزمان ایرانیلرله بر دینه منتسب بولونمیدیندن
(دیئسزلر دینه خدمت ایدنلره غلبه ایدیور) فکر
جاها لانه سی ینه عربلر طرفندن اورتهیه چیقاریلوب اسلام
اولانلرک بادی انکساری اولمغه باشلا دینغندن « الم غلبت »
آیت جلیله سی مؤرده رس سوامع ابتهاج بیورولدی .

ینه بوسنهده (قریش) - حضرت قحایه ایده جاک
اولورلرسه - (بنی هاشم) ه اوچ سنه ایچنده مطلقا اجرای
سوء قصد ایده جکله رینه دائر عهد نامه یازوب (کعبه
معظمه) نك قدوسنه تعلیق ایلهدیلر . بوسیدله حضرت پیغمبر
(بنی هاشم) دن اولان بعض اقربالریله (ابوطالب) ك

فامیلیاسی خالقته التجا بیوردیلر . و اوچ سنه دوام ایدن شو حال غضب آ کین آراسنده امرار ایتدکاری زمانده خیلی مشقت چکدیلر .

اوننجی سنه (ابوطالب) وفات ایتدی . اوچگون سوکره حضرت (خدیجه) دخی نقل راحتسرای بقا بیوروب (حجون) دهکی مدفن عالیرینه دفن ایدیلدیلر .

حضرت بوسنه ایچنده (ثقیف) قبیله سنی تشریف بیوروب اسلامه دعوت ایلش ایسه ده مظهر توفیق الهمی اولما دقلرندن قبول ایتمه دیلر . عودت سنیه لرنده (نصیبین) جوارنده یدی نفر جنی ایمان ایله مشرف اولدیلر .

حضرت (عایشه) و حضرت (سوده) ایله عقد ازدواج بیغمبری دخی بوسنه وقوعیافته اولوب حضرت (عایشه) کوچوک اولدیغندن امر زفافنده بر مقدار توقف بیوردیلر .

اونونجی سنه ابتدا اولارق انصاردن آلتی کشی ایمان ایله شرفیاب اولدیلر .

اون ایکنجی سنه (معراج) که کجه نك برنده اویانق بولونقلری حالده (مسجد حرام) دن (مسجد اقصا) یه اورادن ده تعیین حد انتها اولونامیان علویاته عروج وقو-

عبولدی . اوکیجه جمال حق علی العیان مشاهده بیوردیلر .
اوکیجه نمازك بش وقت اوزرینه قیلنمسی واجب اولدی .
ینه اوکیجه بو عظمتلی سیاحتدن عودت بیورولدی .

ایرتسی کونی بوخبر ایشیدلمکه باشلاينجه منکرلرکی
(قریش) دخی اوزمان ایشانق ایسته مه مشر ایسه ده
ایله دکلی سؤالره جواباً قدسده کی (مسجد اقصا) نك
اوصافی و اوکیجه اثنای راهده تصادف بیوریلان مکّه و شام
(قافه) لرینک احوالی واقعه مطابق صورته اخبار
و حکایه بیغمبری وقوعه بولنجه بر نقطه اعتراض بولامیوب
تصدیق ایتمک دخی کردن تعصبلرینه کران کلدیکندن
اختیار سکوته مجبور اولدیلر .

ینه بوسنه (بیعت عقبه اولی) واقع اولوب انصاردن
اون ایکی ذات ایمان ایله مشرف اولدیلر .

اون اوچینجی سنه (ایله عقبه ثانیه) وقوعبولدی .
بو بیعتده یتمش ارکک ایکی قادین نور منیر ایمان ایله تنویر
ضمیر ایله دیلر .

اون دردینجی سنه (قریش) (دارالدوه) یه جمع
اولوب حضرت سیدک دفعی چاره سنه باقق ایچون خیلی
مشورت ایتدیلر اک صوکره (شیطان) « علیه اللعنه »

بر پیر نجدی قیافتنه کیره درك داخل بزم خبائتاری اولوب
حضرت رسولك قتلندن بشقه چاره اولدیغنی تلقین ایله دی.
بوخصوصده اتفاق حاصل اولارق اجراسنه تشبث دخی
اولوندی .

اوزمان جناب (شارع خیر) طرفسندن جبرائیل
واسطه سیله (قریش) نك بویه بر فکر فاسدده بولونقلری
حضرت سیدیه تبلیغ بیسوریلوب (مکه) دن هجرت
ایله ملرینه مأذونیت شرفظه ور ایله دی .

۳

هجرت

سید سادات عالم افندمن (قریش) نك تصمیم ایله دکاری
بو جنابتی ارتکاب ایذه جککاری کیجه خانه دولترنده استرا -
ختارینه مخصوص اولان دوشکه - دیانت و صداقت یولنده
هر درلو فداکارانی اختیار ایدن - جناب (علی) بی
یاتوروب « وجعلناکون بین ایدیم سداً » آیت جلیله سنی
ورد زبان ایدره درك حضرت (صدیق) نك رفاقیله (غار ثور)
کیر دیلر .

امی الهی ایله بر (عنکبوت) وبر وحشی (کوکرجین)

باب غارہ همان برر خانہ و آشیانہ یابدیلر . دشمنلر هر تقدیر
آرادیلر ایسه ده ظفر یاب اولامادیلر .

حضرت ، اوچکون درون (غار) ده توقف بیورروب
طیشاری یه چیقیدیلر ایدیلن مقاوله یه بناءً اورالده ابتصار
اوزره بولونان (عبدالله بن اریقط) ایله (عامر بن فهیره)
ایکی دوه ایله نزد دولترینه کلدیلر . دوه لره ایکیشر کسی
ینوب مدینه یه توجیه عنان عزیمت بیوردیلر .

(قریش) طرفندن تعیین ایدیلن کوزجیلر آرقه لرندن
کتدکاری حالده مراملرینه فرصتیاب اولامادیلر . (سراقه)
اسمنده برسی حضرتک کچدیکی ایشیدوب خیلی تعقیب
ایتمش ایسه ده یتشمکه موفق اولامامشدر .

اشنای راهده (ام معبد) نام قادینک چادرینه
اوغرایوب معجزه اظهار یله اوراده بولونانلری اسلام ایدوب
مرور بیوردیلر و یولده تصادف ایتدکاری (بریده اسلمی)
فصاحت پیغمبری یه حیران اولارق عرض اطاعت ایدوب
یتمش قدر آدمیله اسلامی قبول ایله معیت جهاتقیمت نبویه
(مدینه) یه قدر رهیمیای انقیاد اولدی .

(مدینه) یه مواصلته (قبا) محله سنده کی (کثوم
بن الهمد) ک خانه سنه شرفنزول بیوردقلری بر ربیع الاولک

← →
 اون ایکنجی بازار ایرتسی کونی ایدی . اون سکنز کون
 اوراده توقف بیوروب (مسجد قبا) نك الشاسنه موفق
 اولدیلر . ختامندن صوکره اشتر سوار مهابت اولدقلری
 حالدله درون (مدینه) پی تشریف ایله دکارنده بتون اصحاب
 شرف مهمانی پیغمبری ایله مشرف اولوق آرزوسنه دوشه نك
 هر درلو دعوت و تمنا تده یکدیگری مسابقت ایله مکه باشلا .
 دقلرندن حضرت هیچ برینه اجابت ایله مه مکی موافق مصیحت
 کوردیکی جهتله دوه نك طوره جنی محله اینه جکنتی بیان
 بیورنجه اصحاب الحاحی براقوب دوه نك توقفنی انتظار
 ایله مکده لر ایکن حضرت (ابوایوب انصاری) نك قپوسی
 اوکنده توقف وقوع بولدیغندن آنک خانه سنی تشریف
 بیوردیلر .

دوه نك موقفنه مسجد یابیل مسیچون امر ویرملری
 اوزرینه اصحاب کمال سعی و اقدام ایله (مدینه) دهکی
 (مسجد رسول) ی بنا ایله دیلر ابتدا خطبه بلیغه قرائتله
 (جمعه نمازی) کوراده ادا بیورولدی .
 هجرتک برنجی سنه سی حضرت (عایشه) نك زفافی
 واقع اولدی .

بوسنه (نماز حضر) زیاده لئوب اولجه ایکی رکعت

← → قلینان (اولیه) (ایکندی) (یاتسو) فرضاری دردر
رکعت اولدی و (صباح) و (آقشام) نمازلی اولکی کبی
براقیلدی .

ینه بوسنه انصار ایله مهاجرین بیننده عقد مواخت
بیوریلوب اودرجه تشدید ایدیلدی که « واولوا الارحام »
آیت کریمه سی نازل اولنجیه قدر یکدیگرندن میراث بیله
آلدیلر .

(عبدالله بن سلام) ک ایمانی قبول اتمه سی و (سلمان
فارسی) نک اسیر اولوب بریهودی به صالتاقدن صوکره
(مدینه) به کله رک حضرت پیغمبره اشترا اولونوب اسلام
ایله مشرف اولماسی بوسنه نک وقوعاتندندر .

بونک ایچون (سلمان) ، حضرتک عبد مکاتبی اولمشدر .
ینه بوسنه اوقات صلاحی اعلام ایچون (اذان) اوقومق
مقرر بیورولدی . (براء بن معرور) (اسعد بن زراره)
(کاشوم بن هدم) بوسنه عازم دار آخرت اولدیلر .

ایکنجی سنه حضرت (فاطمة الزهراء) حضرت
(علی) به نکاح ایدیلدی . (قبله) (بیت المقدس) ایکن
(مسجد الحرام) یعنی (کعبه) به تحویل اولوندی .
بوسنه (عبدالله بن جمش الاسدی) نک کوندردیکی

اون ایکی کشی (بطن نخله) موقعنده قریشک کاروانی
باصوب آلدینی اموالی (مدینه) یه کتیر دیلر .

(عبدالله بن زبیر) بوسنه عالم وجوده کلدی .

(اورج) (زکات فطر) بوسنه فرض اولدی . پیغمبر
طرفندن (بیرام نمازی) دخی ابتدا بوسنه قیلندی .

بوسنه رمضانک اون یدنجی کونی مشهور (غزاء بدر)
وقوعه کلوب مسلمانلر دشمن اوزرینه غلبه ایله دیلر .
بوحر بده مشرکار طرفندن (ابو جهل) (عتبه) (شیبه)
(ولید بن عتبه) کبی رؤسا ایله یتیش کشی قتل اولونوب
بر بوقدرده اسیر آلدی . (عباس) (عقیل) (ابوالعاص)
بواسراء میاننده ایدیلر .

اولنلری اوراده چوقور بر محله طولایر دیلر . اسیرلردن
فدیه آلوب اسلام اولمایانلری صالیویر دیلر .

بوسنه رومارله ایرانیار آراسنده دخی ظهور ایدن
محاربده روملرک غلبه ایله دیکنه دائر انتشار ایدن حوادث
اسلاملر ایچون دیکر بر مظفریت مقامنده تلقی اولوندی که
سپی بیان ایدیش ایدی .

ینه بوسنه (غزاء قتیقاع) وقوعه بولوب یهودیلرک

تخښکاهاری محاصره ایدیلارک تسلیمه مجبور ایدیلار .
 خپلی دشمن اسیر ایدیلوب مقاتله وقوعبولدی . اسیرانک
 قانلری ممالکولرینی ترک ایدوب کتاک شرطیله (ابن سلول) ه
 بغشلاندى . وبوسنه نك ذی الحجېه سنك اوننده قربان
 کسمکله احتساب امر اولندیلر .

هجرتك اوچنچى سنه سى دخى (غزاء السويق)
 ظهور ايتمش ايسه ده فرار ایدن (ابوسفیان) لشکری
 تعقيب ايدیلوب يتيشيله مدیکندن حرب اولونما مشدر .

بوسنه (محمد بن مسلمه) (کعب بن اشرفى) قتل
 ايتىدى . حضرت (عثمان بن عفان) حضرت پیغمبرک
 کریمه عفتپناهى حضرت (ام کلثوم) ايله عقد ازدواج
 ايله دی .

حضرت (نې) دخى حضرت (عمر) ك (حفصه)
 اسمنده کی دختر نجابت پروريله تزوج بیوردیلر . و (زینب
 بنت خذیمه) نك دخى تزویجنه طالب اولدیلر .

(حسن بن علی) رضی الله عنه بوسنه شعله پاش
 مشارق وجود اولمشدر .

بوسنه (غزاء احد) میدان وقوعه کلدی . بیکلرجه

← →
 (مکه) مخالفلى (ابا سفیان) ك تحت رياسته
 كنديلرينك اوچده بر مثلنه معادل اوليان عسكر اسلام
 اوزرينه هجمه انداز اولديلر . محاربه خيلي دوام ايتدى
 سى و ثبات تام ايله ظفرينه اسلام طرفنده جلوه نماي
 بروز اولقسده ايكن (عينين) بوغازيني محافظه مأمور
 اولان عسكر خلاف امر پنجهرى اوراسنى ترك ايدر ايتز
 دشمن عسكرينك قسم اعظمى اورادن اسلام اوزرينه
 يوريش ايدنجه بوزمالرينه سبب اولدى .

بو حربه مهاجريندن درت انصاردن آتمش بر
 اصحاب كرين ترك جامه حیات ايله ديلر . برطاشك اصابتيله
 حضرت رسول اكرمكده برديشى زده لندی .

حضرت (حمزه) كى بر غضنفر بنى عدیل (وحشى)
 كى بر پنجهيرك دست نحوست پیوستندن نوش باده شهادت
 ايله دی .

حربدن صوكره حضرت، دشمنك (مدینه) اوزرينه
 هجوم ایده جكلىرى استماع بيوروب بوكا ميدان ویرمه مك
 ايچون ايكوز مرد مصاحب جالسپار ايله (همراه الاسد)
 موقعنى طوتمشلا ايسه ده دشمن بدفعال شو فكر مفسدى

ترك ايله (مکه) یه چکلوب کیندیکندن ملاقات و مقاتله
وقوعبولماش و بو حرکت (غزاء حمراء الاسد) نامینی
آلشدر .

هجرتك دردنجی سنه سی اصحابدن (نودقاری) یی
دشمن یقالایوب (چاه معونه) ده شهید ايله دیلر . بوسبيله
حضرت دلگیر اولارق تام قرق کون (رعل) (ذکوان)
(عصیه) (بنی الحبان) قبيله لرینه بد دعا ايله مشدر .

بوسنه دخی (غزاء بنی النضیر) وقوعبولش ایسه ده
نجم منیر ظفر اسلام اوزرینه پرتو انداز اولمغله . دشمنك
مملکتلری و ماللاری ضبط و تسخیر ایدلمشدر .

(حسین بن علی) رضی الله عنه بوسنه اوج آرای
آسمان وجود اولدی .

(غزاء بدر صغیر) ده بوسنه وقوعبولدی . بو ، (احد)
محاربهنده طرفینك مقاوله سبيله موعود برحرب اولاجق
ایدلسه ده زمان وعدك حلولنده (بدر) ی یعنی میدان
معرکه یی چند اسلام یدی کون تحشدکاه اتخاذا ايله یوب
دشمنك وعده خلف ایده زك کله دیکندن (مدینه) یه
مراجعت اولوندی .

ینه بوسنه بریهودی قاریسی زنا ایله اتهام ایدیلوب
 حکیم (تورات) ایجابجه سنکسار اولوندیلر . یهودیار اولجه
 بو حکمی حضرت یسحبردن کتم ایتمش اولدقلری تحقیق
 ایتدیکندن بعدما تحریف ایدمهملری ایچون بتون تورات
 طقوز کون ظرفنده (زید بن اسامه) یه حفظ ایتدیرلندی .
 حضرتک (ام سلمه) ایله نکاحی بوسنه عقد اولوندی .
 (زینب بنت حزیمه) نک وفاتی شرابک حرام اولماسی
 دخی بوسنه یه تصادف ایلهدی .

هجر تک بشنجی سنه سی (غزاء ذات الرقاع) ظهور
 ایدوب دشتمک اقامتگاهنه واریلدقده ارککلری قادینلرینی
 براقوب فرار ایتمش اولدقلری کوریلرک قادینلری اسیر
 ایدیلدی .

بو وقعده دشتمدن احتراز واحتیاط ایدیله جکی زمانده
 لازم اولان اصول اوزره (نماز خوف) قیلدیلرکه : بوندن
 اول قیلنماش ایدی .

(غزاء مریسیغ) دخی بوسنه وقوعاتندن اولوب بوغزادن
 دخی اسلام خیلی غنیمت ایله مظفراً عودت ایلهدی . تیم
 آتی بوغزاده شرفنازل اولدی .

عصمت‌الله پاکیزه لکک بروجود مجسمی اولان جناب
(عائشه) عقیماً ب حقه‌ده کی افک و بهتان عظیمی دخی
منافقلر طرفندن اشبو سفرده میدان قونولیس‌ده جناب
معصومه حضرتلرینک، وضیم عالم‌تور محمدینک استراحتی،
وحقیقتک وراء پرده خفادن انکشافی مراد مقدسیله
(صدیق) حضرتلرینک خانه‌سینده بولونقلری برصرده
بارگاه عظمت کبریائیدن «ان‌الذین جاؤوا بالافک» آیت
کریمه‌سی نازل اولدی .

بوغزاده اسرا میانندن (زینب بنت جحش) اسلامی
قبول ایدوب ازواج طاهره پیغمبری عدادینه دخالت شرفه
مظهر اولدی . آیت جلیله (حجاب) دخی مشارالیه
حقنه بوسنه شرفنازل اولدی .

ینه بوسنه‌نک وقایعندن اولمق اوزره (غزاء خندق)
ظهور ایدوب (قریش) (قریظه) (عطقان) قبیلهلری
اون بیک قدر عسکرانله (مدینه) بی محاصره ایله دیلر .
فقط محاصره‌دن اول دشمنک شو حرکتی استخبار ایدیلش
وعسکر اسلامک اطرافنه (سلمان) ک تعلیمله خندق قازلش
اولدیغندن دشمن خیلی هجوملر ایتش ایه‌ده خسار افکن
اولامیوب پک چوغی مجروح و برقچی مقتول اولارق دفع

ایدیله یار . بوهنکامده اصحابدن (سعد بن معاذ) مهالك
بر جریحه آلمش و آلتی کشی دها شهید اولمشدر . بشقه
مقاتله ایدیللمش ایسه ده دشمنك اك شجیع و اك مبارزی
اولان (عمرو بن عبدود) خندق کچهرک جناب (علی)
ایله ایله دیکی مبارزه ده بوینندن آلدینی زخم (ذوالفقار)
بدل جاننی ویرمشدر .

حربك یکریمی دردنجی کونی دشمن عسکرینه تفرقه
دوشوب هر قبیله کندی موطننه مراجعت ایله دی .

(مدینه) ده اقامت ایدن (قریظه) قبیله سی اولجه
حضرت پیغمبر ایله ایله دکاری معاهده بی فسخ ایدوب محاربه ده
(قریش) و (غطفان) ایله برلشدکاری چون حربك ختام
بولدینی کون عسکر اسلام بتون قبیله بی یکریمی بش کون
تحت محاصره یه آلدیلار اك صوکره بر چوغنی اعدام و بر
خیلیسنی اسیر ایدوب حربدن فراغت ایله دیلر .

(سعد بن معاذ) (خندق) وقعه سنده آلمش اولدینی
جریمه نك عدم التیامندن نقل دارالقرار ایله دی .

(حج) اتمك ده بوسنه واجب اولدی .

هجرتك التبی سنه سی (غزاء بنی الحیان) وقعه

کلوب اسلام عسکرینک میدان محاربه ده دهشت افزالغی دشمن کوریر کورمن فرار ایدوب کیتدیلر .

حضرت سید رسل مراجعت بیوروب (عسفان) جانبندن قبر پاک جناب (آمنه) پی زیارت وعفو وصفح خطیاتی ایچون بارگاه ارحم الراحمینہ عرض حاجت ایله دی .
بوز یارتدن عودت بیوردقلری ائنده آثار مسار وجه تابان رسالتپناهیلرندہ لمعه نثار اولمقده کورلدیکندن بونک ، اکثر اصحاب والدہ محترمه محمدینک اولخالده ایمان ایتمش اولماسندن حاصل اولدیغنه حکم ایتمک ایسته مشلردر .

بوسنه (غطفان) قبیله سی آریجه بر اذیت وخیانت اولق اوزره اهل اسلامک مدینه مرعالرنده یاییلقده اولان دوه لرینی آلوب کیتدیلا ریسده آرقه لرندن (سلمة بن الکوع) کوندریلوب بر مجاذله تطهورینه میدان ویرلهدن استرداد ایدیلدی .

ینه بوسنه کوندن کونه شوکت وشکوهنی آرتان ، واقطار عالمی کیتدیکجه تنویره باشلایان نیر عظیم اسلامیتک ضیای حیات افزاسنی جهانک دها ایچلرنده بولنان ظلمت کشف جهالت وضلاله ایصال ایله محو واضمحلال ایتمک

—> —<

نیت علیه سته بناء حضرت فخر رسل اطرافده کی حکمدارلره
احجابدن برر خطیب بلیغ ایله برر مکتوب ارسال ایله دی .

(حاطب بن ابی بلغه) (اسکندریه) ده (مقوقس) ه
(عمرو بن امیه) (یمن) ده (نجاش) یه (عبدالله بن
خدافه سہمی) (مدائن) ده (کسری) یه (دحیہ کلبی)
روم پادشاهی قیصر (هرقلیس) ه (شجاع بن وهب)
(شام) ده (حارث بن عسانی) یه (سلیط بن عمرو عامر)
یمامه رئیس (هوزہ بن خنیف) یه کوندلمشدر .

بونلردن (نجاشی) اسلام ایله مشرف اولدی .
(مقوقس) بر چوق هدیه تقدیم ایتدی . دیکر لری نامه
نامی جناب پیغمبری قبولدن اباء ایله دیلر . وعاقبه الامر
هپسی ده خلفای اسلامیه زمانلرنده منکوب و مستملک
اولدیلر .

بوسنه فخر عالم حضرتلری بیک بشیوز احجاب معیت
دولتارنده اولارق (عمره) یی زیارت ایچون جانب (مکہ) یه
متوجه اولدیلر . (حدیبیه) یه شرفوصول بیوردقلرنده
مشر (قریش) خبر آلاق حضرتک (مکہ) یه دخوانی
منع ایچون عسکر چکدیلر . جناب رسالتک (چاه
حدیبیه) موقعنه نزول بیورماسی اوزرینه (قریش) دن

﴿ عروۃ بن مسعود تقضی ﴾ (سہیل بن عمرو) ایلہ حضور دولتہ کلہ رک آرالرنده خیلی مذاکرہ جریان ایتدکن صوکرہ اوسنہ (عمرہ) زیارتنی قضا ایتک اوزرہ ترکہ ، وسنہ آتیہدہ تشریفہ ، ودها بعض شرائطک اجراسنہ قرار ویریلوب موجبی اوزرینہ لازمکن عہدنامہ یی حضرت (علی) یہ یازدیردیلر .

حضرت بولوندقلری موقعده سرسعادتلربی طراش ، ومعیتارنده بولونان قوچلری قربان ایتدیلر . احباب دخی برحق دودہ لر کسدیلر .

هجرتک یدنجی سنہ سی (غزاء خیر) ظهور ایتدی قلاع خیرک فتحی حضرت (علی) یہ میسر اولوب محافظلری قتل واموالی ضبط ایدیلدی . اسیر ایدیلن قادینلر آراسنده (حی) اسمندہ بر بک قیزی اولان (صفیہ) یی حضرت پیغمبر نکاح ایله آلدی .

بو حربده (زینب بنت حارث) پشتش بر قوزی یہ زهر قویارق حضرتہ ییدیرمک ایستہ مش ایسدهه مجزہ معلومه اوزرینہ حضرت واقف اولوب تناول بیورمادیلر . یینہ بوغزاده فوت ایدیلن برصباح نمازی ایلمک دفعہ اولارق قضا بیورولدی .

جناب (ام حبیبہ) نك دخی (نجاشی) طرفندن تہیہ
لوازم ایله حضرتہ تقدیم ایدلیدی، و (عمره) زیارتنك
قضا اولندی، و حضرت (میعونه) نك نکاحی هب بوسنه نك
وقایعندن بولونمشدر .

هجر نك سكرنجی سنه سی (عمر بن عاص) ایله
(خالد بن ولید) ایمان ایتدیلر . (کعبه) دروننده کی
(حنانه) ستوتنده ظهورایدن عجبیه معلومه بوسنه مشاهده
اولندی .

ینه بوسنه (مؤنه) یه کوندریلن عسکردن (عبدالله
بن رواحه) (زید بن حارث) (جعفر طیار) درجه
شهادته ایرشدیلر . اك صوكره مظفریت (خالد بن ولید) ك
غیرت شجاعسكارانه سی سایه سننده معسکر اسلامده رونمون
اولدی .

(مکه) معظمه نك فتح وضبطی دخی بوسنه یه تصادف
ایدوب (قریش) دن برچوق رجال ونسا شرف اسلام
ایله مشرف اولدی . (عكرمة بن ابی جهل) ده بووقعده
اسلام اولانلردندر .

(مکه) محاربه سننده امر بن نفیر ایله (عبدالله بن خطل)

← (حرم شریف) دروننده قتل اولوندی . چونکه کونده
بر ساعت قدر درون (حرم) ده قتال حضرت پیغمبر ایچون
مباح ایدی .

(سواع) (عزى) (منات) (لات) کبی عربك
اك بيوك وكنديلرنجه اك معزز بتلرینی قیر دیلر . درون
(کعبه) ده کیلرینی چیقاردیلر ومکده بك چوق بتخانه لر
تخریب ایله دیلر .

(مکه) ایچنده لازمه کان تنسیقات واجراآت اكمال
ایدیلدکن صوکره عسکر (حنین) اوزرینه دهشت
بر اندازانه برصورتده حرکتله واریلر واریلماز حربه مبادرت
ایدیلدی .

حربك ابتدا سنده عسکر میاننده کوچوک برتفره
ظهور ایتمک باشلامش ایدیسده حضرت پیغمبرك تدابیر
جهانگیرانه سی وصولت دلیرانه سی اقتضاسیله دشمنه غلبه یه
موفق اولنوب خیلی غنیمت اخذیله (طائف) اوزرینه
توجیه عنان عزیمت بیورولدی .

(طائف) تام اون سکرکون محاصره ایدیلدکن صوکره
اهالیسی استیانه مجبور اولارق فتحك کاملاً حصوله انتظار
اولونقمسزین عودت بیورولدی .

بوسنه مصر حکمدارینک هدیہ مقامنده اولجه حضرتہ
تقدیم ایتمش اولدینی (ماریه) نام جاریه دن نجیل پاک
محمدی حضرت (ابراهیم) عالم وجودی تشریف ایلهدی .
(ابویوسف) ایله زوجه سی (ام سیف) خدمت تربیة
علو مرتبه لرینه تعیین ایدیلدیار .

ینه بوسنه دختر سعد اختر جناب (بنی) حضرت
(زینب) پیرایه کلزار بقا اولدی .

قبائل عربک اک باشلیلری اولان (تمیم) (فزاره)
(بنی اسد) (کلاب) (دارین) (بهرا) (طی) (بنی
بکاء) (هذیم) اهلایلری بوسنه یکدیگری متعاقب مدینه یه
کله رک عرض اسلامه ایمانی قبول ایله دیار .

ینه بوسنه بعض تخصیصاتک تحصیلیچون (ولید بن عقبه)
(بنی المصطلق) قبیله سنه کوندرلش ایکن (ولید) ک
آنلره اولان خصومت مسبوقه سی اوزرینه عودتنده خلاف
واقع برطام فتنه انکیز خبرلر کیتدیکیچون تحقیق ماده
ضمننده (خالد بن ولید) کوندردی . ایش (ولید) ک
تصنیعتندن عبارت اولدینی تحقیق ایدنجه قبیله خلقی سوء
معامله دن وقایه اولوندی .

(ولید) ك تحقیق‌دن اول نصل بر راه فسقه صاپدینی
« یا ایها الذین آمنوا ان جاءکم فاسق نبأ فتنینوا » آیت جلیله -
سیله اعلام بیورلمش ایدی .

بوسنه حضرت فخر عالم بر آی قدر زوجات مطهره یه
قربت بیورمیوب بومدتی مسجد شریفلریده امرار بیوردیلر .

(غزاء تبوك) دخی بوسنه وقوعبولوب سوق ایدیلان
اوچمیک قدر عسکر مظفرک تمهه یزی خصوصنه اهالی
طرفدن پك چوق اعانت ایفا ایدیلرک (عین تبوك) ه قدر
کیدلی ایسه ده هیچ بردشمنه تصادف ایدیلر دیکندن اصحابک
مشورتیه رجعت اولوندی .

بوعسکردن درتیوز کشی یه شجیع فرید (خالد بن ولید)
سردار نصب اولونارک (دومة الجندل) ه کوندردلی .
مالکی بولونان (اکیدر) ی اسیر ماملکنی ضبط و تسخیر
ایدوب برچوق هدایا ایله عودت ابله دی .

(غزاء تبوك) ده بعض منساقلر اظهار نفاق ایله
عسکردن ایرلدقلری کبی ایلری کانلردن (کعب بن مالک)
(مرارة بن ربیع) (هلال بن امیه) بلا عذر حربه
رغبت کوسترمیوب (مدینه) ده قالمش ایدی .

→ عسکرک مرا جعتده ارباب نفاقک هربری بر بهانه یه
توسل ایتشله ایسه ده بو اوچی خطالرینی آکلا یوب اعتراف
قصور ایله دیار .

عموماً اصحاب نام الی کون بونلر ایله مخالطه دن منع
اولوندق دن صوکره جریده جرمه لرینه قلم عفو چککدیکنه
دائر طرف ذیشرف پروردکاریدن « لقد تاب الله على النبي »
آیت کریمه سی نازل اولدی .

ینه بوسنه (حمیر) حکمدارینک اسلامی قبول
ایله دیکنی کوندرمش اولدینگی ایلیچی حضور پیغمبری یه عرض
وتبلیغ ایله دی .

بوسنه اوچیوز موحد ایله ایقای فریضه (حج)
ایچون حضرت (ابوبکر) (مکة) مکرمه یه کوندر یلوب
اهل موسعه (براءة) سورة جلیله سنی تبلیغ وقرائه مأمور
ایدیلدی . بوتبلیغک قطعیا اجرا سیمچون براز صوکره حضرت
(علی) دخی کوندرلدی .

(مسجد ضرار) دخی بوسنه خراب ایدیلدی .
(غامدیه) نک زوجه سنک رجعی ، (عویم) ایله
زوجه سی (حوله) بیننده اجرا ایدیلن (لعان) بوسنه
وقوع بولدی .

دختر عصمتیکر (نبی) حضرت (ام کاشوم) بوسنه
ایچنده عزم فرادیس بقا ایله دی .

ینه بوسنه (ذی الجادین) (مدینه) یه کلوب مسلمان
اولدی .

رئیس اهل تفاق (عبدالله بن ابی سلول) ده بوسنه
سقری مقر ایله دی .

هجرتك اوننجی سنه سی (خالد بن ولید) قبیله
(بلحارث بن کعب) ه کوندردی . اونلری اسلام ایدوب
احکام منیفه شرعیه یی تعلیم ایله دکدن صوکره بعضیلرینی
برابر آلوب (مدینه) یه عودت ابتدی .

بوسنه قبائل عربدن (سلمان) (محارب) (ازد)
(غسان) (عبدالقیس) (بحیله) (رهاوین) (زبید)
(نبی حنیفه) (بنی ثعلب) (شهد) (عاقب و سید)
(سعد بن بکر) (عامر بن صعصعه) (مزینه) (عبد
عبس) (خولان) کبی برحق قبیله بربری آردنجه
(مدینه) یه کله رک شرف اسلام ایله مشرف اولدیلر بوزمان
ایدیکه « ورأیت الناس یدخلون فی دین الله افواجا » آیت
کریمه سنک حکم جلیلی موقع پیرای بروز اولدی .

بوسنه یتیمش بیک اهل اسلام ملازم موکب هایون

→ اولدقلری و حجرات مطهرات وحضرت (فاطمة الزهراء) حاضر بولونقلری حالده حضرت رسالتناه اقای (حجة الوداع) بیوروب آلتمشنی دست مشیت پیوست عالیلریله ، قرقی (هدی) ده کندیلرینه شریک اتخاذ بیوروب حضرت (علی) یه امر ایله یوز دوه قربان ایله دیلر . مؤخرآده (عرفات) ده برخطبه بلیغه قرائت بیوروب عبداللله تبلیغ ایله اشتعالنی سؤال ایله دکارتنده عموم طرفندن تصدیق اولوندیلر .

بو (عرفه) دن صوکره « اليوم اکملت لکم دینکم » آیت شریفه سی نازل اولمشدر .

بوسنه ، برییلک اون ایکی آی اولدینی و (حج) ک ذی الحججه ده اجرا ایدیله جکی قرارلشیدرلدی . (مکه) مشرکلریله اولونان معاهده اوزرینه اسراء صالیویریله رک (مدینه) یه مراجعت بیورولدی .

اشبو سفر ینمیری ده حضور دولترینه کتیرلمش اولان برکونلک برچوجغه « من انا » بیورملری اوزرینه چوجق خارق العاده اولارق « انت رسول الله » جوابی و یرمش وحضرت « باریک الله فیک » کلام حکمت انجامله چوجنی تلطیف بیورمشدر .

بوسنه (یمن) حکمداری وفات ایتمه کله اداره حکومت ایچون (معاذ بن جبل) اورایه کوندردلی . (جریر بن عبدالله) ک دعوتی اوزرینه (ذوالکلاع) دخی زوجه - سیله برابر ایمان ایله دی .

ینه بوسنه روم والیسی (فروه جذامی) مسلمان اولدیغی خاکپای پیغمبری به تقدیم ایله دیکی مکتوبیله اخبار ایتدی . ابن الرسول حضرت (ابراهیم) دخی بوسنه ارتحال دار بقا بیوردی . حضرت شو وقعه دن پک زیاده اندوهناک اولدیلر . وفاقی کونی تصادفی اوله رق آفتاب عالمتاب کویا ستره ماتمه کیر مشجه سنه عالمه برصورت منکسفه ایله عرض دیدار ایله دی .

هجرتک اونبرنجی سنه سی (وفدنخ) یندن کلوب مسلمان اولدیلر . بوسنه حضرت (نبی) اهل (بقیع عرقه) ایچون بارگاه کبریائیدن استغفار ایله دی .

ینه بو سنه (زید بن حارثه) نک مقتله کیدمک ایچون عسکر اسلامک تجهیزینی فرمان ایله یوب (اسامه) یی سردار تعیین بیوردیلر اوصرده حضرتک خسته لئی ظهور ایتدیکندن مراجعت ایدیلدی .

خسته لقلرینک اشتداد ایله دیکی هنکامده (مسیله

کذاب) ، و (اسود) دعوای نبوتہ قالقشدقلرندن دفع وازالہ لری خصوصہ تشبث اولونوب آز مدت ایچنبدہ (فیروزدیلی) (اسود) ی قتل ایتدی .

بو قتلی حضرت پیغمبر وحی ایله بیلدیکی ایچون برکون اول اصحابه خبر ویرمش ایدی . (مسئلہ کذاب) حضرت (ابوبکر) ک زمان خلافتلرندہ اوزرینه سوق ایدیلن عسکر ایچندن اولجه حضرت (حمزه) ی قتل ایتمش اولان (وحشی) طرفندن اعدام ایدیلدی .

م ۴

وفات

مرض موت (نبی) بوسنه صفرینک ابتداسنده حضرت (میمنه) خانه سنده برباش آغریسیله باشلا یوب براز صوکره خسته اولدقلری حالده دیگر ازواج مطهره نك انضمام رضالریله حضرت (عایشه) خانه سنه نقل بیورمشلر ایدی . برکون مرضلرندہ کوریلن خفت اوزرینه مسجدی تشریف بیوروب اصحاب ایله رسم وداعی اجرادن صوکره دولتخانه لرینه عودت بیوردیلر .

خسته لقلاری زیاده لندیکی بر زمانده حضرت (ابوبکر) ی
 امام تعیین بیورمشلر ایدی . محرابه کچنجه مقام (نبی) بی
 خالی کورمه سی اوزرینه حاصل ایتدیکی رقت قلب غلبه
 ایدهرک آغلامغه باشلادیغنده بو حال دلدوزی کورن اصحاب
 هایقره هایقره آغلامدن کندیلرینی آلامادیلر . حضرت
 مسجد متصل بولونان خانه سعادت آشنانه لرندن اشبو فریاد
 وزاری بی ایشتمه لری اوزرینه اصحابک سینه لرینک حرارتی
 تسکین مقصدیله حضرت (علی) ایله جناب (فضل بن
 عباس) ک اوموزلرینی طوتارق مسجدی تشریف بیوروب
 حضرت (ابوبکر) ک صاغ جانبنه اوپوردیلر . نماز ادا
 ایدیلدکن صوکره کمال فصاحت و بلاغتله اصحابه وصایای
 خیریه ایفا بیورارق بیت الشرف عالیترینه مراجعت ایله دیلر .
 ربیع الاولک اون ایکنجی کیمه سی عموم اهل بیتی نزد
 دولترینه چاغروب تهییز و تکفین و غسل و نماز خصوصنده
 وصیت بیورنجه اوعترت طاهره نک آفاقه عکس انداز
 اولان « هذا الفراق فاین الوصال » ناله لری کائناتی لرزه دار
 ایتیش ایدی .

بو حالده سکرکات موت ظاهر اولوب براز صوایله
 الارینی و یوزینی ییقادقدن صوکره « اللهم اعنی علی

سکرات الموت « بیوررلر ایدی . اوصره ده حضرت (ابوبکر) ک اوغلی (عبدالرحمن) ک الله بر مسواک ایله نزد عالیه کیردیکنی کورنجه، آغزنده یومشادوب و یرمسی حضرت (عایشه) یه اشارت بیوردیلر حضرت (عایشه) اشبو اشارت عالیة العالیة موجبجه حرکت ایدوب مسواکی یدمؤید پیغمبری یه ویردیکنده حضرت دخی امر مسواکی اجرا بیوردیلر . شو حال حضرت (عایشه) ایچون مدار افتخار اولمشدر .

(شاه لولاک) افدمن حضرتلری الک صوک حضرت (عایشه) نک سینئه بیکنه سی اوزرنده آلتمن اوچ یاشنده اولدقلری حالده روح پاکنی عالم قدسه ارسال بیوردی . اهل بیت بر مقتضای وصیت حضرت (عباس) و (علی) و (فضل) و (قثم) و (شقران) و (اسامة بن زید) وانصاردن بر ذات غسل وتکفین ایدوب ایکی کون صوکره « الانبیاء یدفنون حیث یموتون » مصداقجه روح اقدس حضرت سید العالمینک تسلیم اولندی محله (ابو طلحه) برلحد احضار ایدوب چهارشنبه کیجه سی دفن ایله دیلر .



نسب

حضرتك نسب جلیلی (محمد) بن (عبدالله) بن
 (عبدالمطلب) بن (هاشم) بن (عبد مناف) بن
 (قصی) بن (كلاب) بن (مره) بن (كعب) بن
 (لؤی) بن (غالب) بن (فهر) بن (مالك) بن
 (النضر) بن (كنانه) بن (خزیمه) بن (مدركه) بن
 (الیاس) بن (مضر) بن (نزار) بن (عدنان) در .



اسامی

اسامیء مبارکه سی (محمد) (احمد) (ماحی)
 (حاشر) (مقضی) (عاقب) (شاهد) (داعی)
 (مبشر) (منذر) (بشیر) (نذیر) (سراج منیر)
 (منیر) (مدثر) (طه) (یس) (عبدالله) در .

توراتده — (احید) (ضموك) .

انجیلده — (فارقلیطا) .

زبورده — (مشق) .

بعض کتب سماویہ — (ماذ ماذ) و (حیاطا)
اسامی مقدسہ سیلہ مستحی بولونمشلردر .

۷

القاب

حضرتك القاب عليه لری (سید المرسلین) (خاتم -
النبیین) (قائد العز المحجلین) (خليل الرحمن) (حبیب الله)
(صاحب التاج) (صاحب المعراج) (صاحب اللواء)
(راكب البراق) (نجیب) (صاحب المراه) (در .

۸

حلیہ

حضرت رسالتناه افندمن اوزون وقیصه تعبیر لرینه
محل اولماز برصورتده اورته بویلی (معتدل الخلق) ایدی .

« نه عجب اولسه وسط قد رسول
امته واسطه حق ایدی اول »



« معتدل قدّینی ایتشدی کریم
مظهر خالق عظیم التعظیم
قامتی اولمش ایدی اسلامه
لفظة الله کبی سر نامه »

(خاقانی)

سرعالیری (مدور) صاحپلری (سیاه) (یومشاق)
(پارلاق) اولوب قولاقلرندن آشانغی ایندیرمز لر ایدی .

« دخی مشکین صاحپی باقول صریح
نه قیویر جق نه طویل ایدی صحیح

(خاقانی)

جهت نورانیسی (ککیش) قاشلری (چکیک)
آرالری (آچیق) ایدی . قاشلری آراسنه طوغری
متنازل جهته سی اوزرنده برطمار وار ایدیکه اکثر حدت
زمانلرنده قانله طولارق ظاهر اولور ایدی .

« دخی مالکله ابو هاله دیدی
ماه نو کیبی آچیق قاشلی ایدی »



« کوزلرینک هلال ایله شریک

ماه نوکپی طویل و باریک »

(خاقانی)

کوزلرینک سیاهی غایت (سیاه) بیاضی دخی او
نسبتده (بیاض) اولوب ایچنده اینجه قرمزی طهارلر
مشاهده اولونور ایدی .

« کورینوردی کوزی دائم مکحول

حد ذاتنده سیه چشم ایدی اول »



« کوزینک آغی بیاض ایدی قی

قابل وصف دکدر صفی

هم سیاهی ایدی غایتده شدید

بر ایدی آکه قریب ایله بعید »

(خاقانی)

کرپکاری (اوزون) بورنی (اینجه) و (چکمه)

یناقلری (لطیف) و (نظیف) آغزی (ینوجک)

دیشلری (بیاض) و (پارلاق) و (سیرک) ایدی .

آلت دوداغنده کوزل بر (بن) زینت بخش جمال

محمدی اولور ایدی .

لحیة سعادتلری (سیاه) و (چوق) ایدیسده نه
 پک قیسه نهده پک اوزون اولمایوب اورته بر حالده بولونور
 و آلت دوداق ایله چکه آراسنده برقاچ بیاض قیل کورینور
 ایدی .

فقط تمام رأس و محاسن جمیله لرنده یکریمیدن زیاده
 بیاض قیل بولونماشدر .

وجه انوزلری (تدویر) دن خالی دکل ایدی .

« روی رخشانی دکریمیدی آنک

نته کیم جرمی مه تابانک

یوزی بکرردی مندور آیه

ذاتی آینه ایدی مولایه »

(خاقانی)

کردنی (بیاض) سینة بیکیه سی (عریض) اوموزلری
 آراسی (واستع) عظم شریفلری (بیوک) اوموز
 و بازولری (قیللی) مملری وقارنسک اطرافی (قیلستر)
 کوکسیله قارنی (مستوی) اولوب اورته یرنده قیلدن انجه
 برخط وار ایدی .

« کردن باک رسول آفاق
غایت آق ایدی بغایت براق »



« آنی خلق ایتش ایدی حق ممتاز
اعتدال اوزره نه کوتنه دراز »



« سینہ سی غایت ایله واسع ایدی
نور ساطع کی هم لامع ایدی »
« فیض نور ایتسه نولور صدر رسول
مخزن نور هدایت ایدی اول
اولسه سینہ سی ینبوع حکم
لوحه یازمازدی بوا حکامی قلم
وسعت صدرینه یتزیمی کواه
صغدی آنده بوقدر سرالله »



« استخوان بدن پاکی تمام
یعنی جسمنده اولان جمله عظام
هربری ایری ومردانه ایدی
صورت وسیرتی شاهانه ایدی

جسدی وصفن ایدن نازک دل
جئه دار ایدی دیمش والحاصل»



« جسم تا بنده محبوب خدا
صاف ایدی مهر منور کی تا »



نوره بکزردی تن بی موی
نیجه مدح ایدیم اول پهلوی »



« بر محلا کموش آینه کی
مویدن صاف ایدی پهلوی نی
« پرده داران شبستان ادب
قارنی کوکسیله برابر دیدی هپ»



« دخی کوکسنده ایا ذخیر ملک
او غزال حرمک نافه دک
خط چکامشدی سیه قیلاردن
نقل ایدر لر بونی عاقلاردن »





« صدر پاکنده دکل موی رسول

آیه الکرسی ایدی عرشده اول »

(خاقانی)

پارمقلری (اوزون) آووچلری (آجیق) اللری

(یومشاق) بدن مبارکلرینک (لونی قرمزیه مائل

بیاض) و (نورانی) ایدی .

کتیف عالیارنده کوکرچین یورطه سی قدر قرمزیه

رنکده (مهر نبوت) اطرافنده قیلدن بردائره اولدینی

حالدده مشاهده اولونوردی .

آیاقلری (بیوجک) و (مطبوع الخلقه) ایدی .

« هر برانکشت هایونی آنک

قلم صنعی ایدی مولانک »



« خامه وش هربری موزون وطویل

میل مفتاح در لطف جلیل »



« اللری آیه سی اول سلطانک

دخی آیاقلری آلتی آنک

واسع و پاک ایدی نازک مرغوب
 بزک کل کیچی لطیف و محبوب «



« رنگ روی کل ایله یک دل ایدی
 کل کیچی قرمزی یه مائل ایدی «



« تن سینده لطافت وار ایدی
 سکه مهر نبوت وار ایدی «



« دیدیلر آنی ایدنلر تعریف
 بر بیوک خال ایدی اول مهر شریف
 کیم سیاهی صاری یه مائل ایدی
 آکا دقتله نظر مشکل ایدی
 وار ایدی دائره سنده مشکین
 قیل جغزلر بری بیرینه یقین «

(خاقانی)



عادات


اکثر زمانلر بیاض کیرلر و بیاض البسه یی سورلر ایدی .
 قرمز ی خطوطله مخطط البسه ده کیدکلی اولور ایدی .
 البسه لری قیصه یاپدیرلر ایدی .

صاریق صاردقلری زمان براوجنی اوموزلری اوزرینه
 صالارلر ایدی . کاه صاریقسنز (داکیه) کاه داکیه سنز
 صاریق کیرلر ایدی .

اشای سیر وسفرده اتکلری طار البسه کیرلر ایدی .
 کاه صاغ کاه صول الارینه خاص کوموشدن (یوزوک)
 طاقنیرلر ایدی .

(مست) و (نعلین) کیوب (مست) اوزرینه
 (مسج) بیورلر ایدی . (آت) (دوه) (قاطر)
 (اشک) رکوب هایونلریله شرفیاب اولور ایدی . هر زمان
 معیت دولته لرنده ایکی کشی ردیف بولونور ایدی . دائماً
 تمیز و مطیب طوریرلر ایدی .

هرایکی کونده برکزه صاحیلرینی طرار وکاه کاه دوزلتیر



وصفانی نه اوزون ونه اینلی براقایوب حد اعتداله
بولوندریر و بوخصوصده کندیلنه تطبیق حرکت ایله یئرلی
سور و هر کیجه سرمه چکر ایدی .
مسواک استعمالنه پک راغب ایدیلر .

مع ۱۰ هـ

آداب

حضرت فخرالکونین تصورک اداره سندن خارج برحاله
مؤدب و مؤقر ایدی . عموم آداب (نی) یی احاطه
ایده جک هیچ بر کتاب تصور اولونمازکه شو قیسمده بیان
ایدیله جک خصوصاته او نظره باقلسون .

رساله نك نام اعظم (محمد) ی یه نسبتنه قارشى
هیچده بحث ایدله مك موافق مصلحت اولمایه جغندن بر پارچه
اولسون بیانه جرات ایدیلشدر .

جناب پیغمبر خصیصه خارقه العاده اولارق غایت
فصاحت و نهایت درجه ملاحظه سویلرلر ایدی . اقتضا
ایتمدکجه تکلم اتمه مکی عادت ایدینوب فائده سز سوزدن کمال
درجه احترازی اک معتنا بر وظیفه طانیلر ایدی .
سوزه نازکانه ابتدار ایدر ، ملایمانه ختام ویرر و آز

سوزله چوق مرام آکلاترلر ایدی . او قدر آچیق تعییرات
استعمال بیوررلر ایدی که سامعین آکلامق و محافظه ایتمکه
کوچلاک چکمزلر ایدی .

اڤ بيوڤ کومله لر ی تبسمدن عبارت قالیر ایدی . دائماً
اوکارینه نظر بیوررلر ایدی . تواضعی مرتبه قصوایه
ایرشدیر مشلر ایدی .

کیمسه نك سوزینی تمام ایتهدن کسوبده سوزه باشلاماز
ومصافحه ایله دیکی کیمسه الی چکمه دن کند ی الی چکمزلر
ایدی .

هرهانی فقیر کندیسینی دعوت ایدرسه اجابت بیورر
وهیچ بریمکدن نفرت کوسترمه یوب ایستکلری اولمازسه
یه منزل ایدی . یمکه باشلار ایکن « بسم الله » دیمک اڤ
زیاده اعتسایله دکلی شی اولوب یمکی صباغ الڤ اوچ
پارمغیله یرلر ویمکدن صوکره (خالق الکل) حضرتلرینه
تشکرات لایقه تقدیمندن هیچ بروقت فارغ بولونمازلر ایدی .
یالکزیتمک یه مه دکلی کی اکثر زمانلر آره اکمیکی
تناول بیوررلر وهرکیم اولورسه مسافره فوق الحد احترام
کوسترلر ایدی . حتی مسافر ایچون لزومی حالده استقراضه
دخی مجبور اولورلر ایدی .

کندیلرینه فنا سوز سويلينه محامله ايله مدافعه ايدرلر،
وعرض احتیاج ايله یئرلی هیچ رد بیورمازلر ایدی .
بشقه سنک مهمنی کندی مهمی اوزرینه تقدیم وترجیح
ایر ایدی .

طالب انتقام دکل ایدی . حق یولنده بذل مجهود
ایدر وباب دینده غایت مدقق بولونورلر ایدی .

(ای) یی ای بیلیر آنی تقویت چالشیر ، (چرکینی)
چرکین بیلیر آندن احتراز ایرلر، خلقه مدارا وتلطف
کوسترر، امتنه مشفقانه معامله لر ایدر ایدی .

لساتی فحش ، عیب ، غیبت ، بهتان کبی مذمتلردن
محافظه ایدر، بیوکاری بیوک اولارق طایر اهل تقوایه تعظیم
ایلر کوچوکلری دائماً شایان مرحمت کوریر، کیسه نک سرینی
فاش ایتمز ، اهل تقصیره سرزنش ، خدمتکارلرینه شدتله
مخاطبه ايله مز ایدی .

بعض زمان اولور ایدی که آنلرله برابر یمک دخی ییرلر
ایدی .

طاطلی سوزلی ، کولر یوزلی ، دائم الفکر ، کتیرالتخزن
ایدی .

شرم و حیا سی زیادہ، و بولندی بی مجلسدہ آداب زمہ رعایتی فوق العادہ ایدی .

چوق وقت سکوت بیوررلر، و اکثر کونلر اور و جلی بولونورلر، و کیجه لرینی مخفی عبادت لرله، کوندوزلرینی خلقه نصیحت ایله امرار ایلرلر ایدی .

کونلرینی اوچ قسمه تقسیم ایله یوب بریسندہ صرف طاعات الیمده، دیکرنده اهل و اصحابیله معاشرتده، او برنده دخی خصوصات ذاتیه سیله اشتغالده بولونور، و بو اوچنجی قسمک پک چوننی مسلمانلرک حوائجک رفعه فدا ایدرلر ایدی .

خسته لری عیادت و اولولرک بورخی ادایه کفایتیه چالیشیرلر، خانہ دولترنده بیله عطالتی سومدکلرندن امور بیتیه ده خانہ خلقه معاونت بیوررلر ایدی .

کال مناسبت کوزه ده رک مزاج ایلر ایدیسه ده هیچ بر وجهله طور حکیمانہ لرینه خفت کتیرمزلر ایدی .

سخاوت مجسمه تعبیرینه بحق سزاوار اولوب بخل، حقد، حرص، مکر، حسد، عجب، کبر، ریا، سمعه دن ذات پیغمبریلری بری ایدی .

شاهراه عدل و حلم و رافتدن بر دقیقه انحراف ایتمزلر،
کنندیلرینه مراجعت ایده فی رد بیورمازلر ایدی .

سخا و سماحتک درجه اعلاسنه صعود بیورمش اولد-
قلزندن آغزلرندن حیقان « لا آله الا الله » دن بشقه برسوزده
شیوه ردی مفید حرف (نفی) بولونماش ایدی .

بیت

« زغایت کرم اندر کلام او (لا) فی
مکر در » اشهد ان لا آله الا الله »

صوک





مغنیسا نیابت شرعیہ سنہ شرفخشا، خازن کتب خانہ شعروانشاء،
تحریر شہیر سماحتلو علی حیدر بک افندی حضرتلرینسک
تنزلاً احسان بیوردقلری تقریض عالیدر .

« ان ما فی هذه الکرا ریس لیس من » من اساء
سمعاً فاساء جابة » و « جعجعة ولا اری طمحناً » بل جدير
بان یکتب بالعين ویتخذ نصب العين فله در من الف احسن
التألیف منتمياً بمن اسعد الخلاق بالکتاب الشریف ونستر
فد من الله اجر الجزیل « والله علی ما نقول وکیل » .

تمقد العانی علی حیدر حاکم انشروع
فی مدینة مغنیسا عفی عنه

